


資治通鑑綱目

正編
十下

| | | |
|------|------------|------|
| 內閣文庫 | | |
| 番號 | 漢 | 1837 |
| 冊數 | 107 (29) | |
| 函號 | 別 6 | 1 |





資治通鑑綱目卷之十

下冊

明 史官陳仁錫評閱

備邊

壬寅十四年春安定羌反郡兵擊滅之復置西海

郡

安定降羌燒何種反郡兵擊滅之自是西海及大小榆谷左右無復羌寇隃麋相曹鳳上言燒何種合大小榆谷土地肥美有西海魚鹽之利阻大河以為固又近塞內諸種故犯法者常從此起宜及此時建復西海郡縣規固二榆廣設屯田隔塞羌胡交關之路遏絕

資治通鑑綱目

卷之十

漢和帝永元十四年

正編

正編

狂狡窺欲之源，又殖穀富邊，省委輸之役，國家可以無西方之憂。上從之，繕脩故西海郡，拜鳳為金城西部都尉，戍之，增廣屯田，列屯夾河，合三十四部，其功垂立。會永初中，諸羌叛，乃集覽燒何西羌別種，隃麋扶風郡，邑隃音踰規固，規圖固守也。委輸注見高帝五年，夾河也。質實一統志云，隃麋漢之縣，夾逢留大河也。名屬右扶風，晉省隃麋。後周置汧陽郡及縣，以在汧水之陽，故名。尋廢郡，以縣屬隴州。唐宋金元皆仍舊。本朝因之，改屬鳳翔府。

夏四月，荊州兵討巫蠻，大破降之。考異此討字亦當作

擊 ○六月，皇后陰氏廢死

陰后妬忌，恚恨，有言后挾巫蠱道者，后坐廢，以憂死。

書法皇后陰氏廢，何罪辭也。故書死終綱目，皇后書廢者二十一，而以自廢為

文者三，武帝陳后，宣帝霍后，和帝陰后，廢書死一而已。

大水 ○徵班超還京師

班超年老乞歸，久之未報。超妹曹大家上書為超求哀，帝感其言，乃徵超還。八月，至洛陽。九月卒，任尚代為都護。謂超曰：小人猥承君後，任重慮淺，宜有以誨之。超曰：塞外吏士本

班超以此
立功西域

非孝子順孫。皆以罪過徙補邊屯。而蠻夷懷
鳥獸之心。難養易敗。今君性嚴急。水清無大
魚。察政不得下和。宜蕩佚簡易。寬小過。總大
綱而已。超去後。尚私謂所親曰。我以班君當
有奇策。今所言平平耳。**集覽**曹大家曹壽妻
尚後竟失邊和。如超言也。名昭漢書注
家讀曰姑離騷經。泥又貪夫厥家晦庵註婦
謂之家。家叶音古。胡反。察政言為政。察察太
明蕩佚。史炤曰。無儀簡也。前書楊雄
傳。簡易佚蕩。注佚蕩音鐵。讜緩也。**正誤**蕩
佚。今按蕩如字。佚音迭。方言佚。愒緩
也。愒與蕩通。大槩寬大舒緩之意。

冬十月立貴人鄧氏為皇后

后德亞字
馮后

初鄧禹嘗謂人曰。吾將百萬之眾。未嘗妄殺
一人。後世必有興者。其子訓有女曰綏。性孝
友好。書傳。常晝脩婦業。暮誦經典。選入宮為
貴人。恭肅小心。動有法度。承事陰后。接撫同
列。常克已以下之。雖宮人隸役。皆加恩恤。帝
深嘉焉。嘗有疾。帝特令其母兄弟入視醫藥。
貴人辭曰。宮禁至重。而使外舍久在內省。上
令陛下有私幸之譏。下使賤妾獲不知足之
謗。上下交損。誠不願也。每有燕會。諸姬競自
脩飾。貴人獨尚質素。其衣有與陰后同色者。
卽時解易。若並時進見。則不敢正坐。離立。每
有所問。常逡巡後對。帝數失皇子。貴人數選
進才人。及為皇后。郡國貢獻。悉令禁絕。歲時
但供紙墨而已。帝每欲官爵鄧氏。后輒哀請。

謙讓故兄隲終帝世不過中郎將

集覽

外舍外戚之家內省猶言省中注見武帝

征和二年諸姬美女曰姬顏師古曰姬本周姓貴於衆國之女故婦人美號皆稱姬離立

記曲禮離立者不出中間注離兩也楚辭橘頌章淑離不淫梗其有理兮晦庵註離如離

立言孤特也

司空堪罷以徐防爲司空

防上疏以爲漢立博士十有四家設甲乙科以勉學者今太學試博士弟子皆以意說不修家法不依章句妄生穿鑿輕侮道術寢以成俗誠非詔書實選本意改薄從忠三代常

章句之學

道專精務本儒學所先臣以爲博士策試宜從其家章句開五十難以試之解釋多者爲上第引文明者爲高說若不依先師義有相伐皆正以爲非上從之

集覽

甲乙科平

帝時增元士之子得受業如弟子勿以爲員歲課甲科四十人爲郎中乙科二十人爲太

子舍人丙科四十人補文學掌故後順帝更修黌宇補弟子增甲乙之科見儒林傳家法

注見順帝陽嘉元年章句注見章帝建初四年義有相伐文義各相矜伐

質實

徐防

沛國鉅人

封鄭衆爲鄭鄉侯

考異

按封拜例曰凡宦者除拜當書者皆加宦者字

啓莫大之患

此條分注宦者封侯自此始而不書宦者亦闕漏也或云前書以鄭眾為大長秋已加宦者字然延熹二年封單超等為列侯以單超為車騎將軍再書宦者不厭辭繁况未平八年以鄭眾為軍司馬乃使匈奴之鄭眾而非宦者之鄭眾此宜書宦者以別之矧刑臣封侯之始乎

證當加宦者於鄭眾之上○謹按凡例曰凡宦者封爵皆加宦者字注云如鄭眾之屬朱子特立此例以著有功之禍○夫害政亂國者非外戚則宦官也竇憲伏誅鄭眾因而封侯其用人如此則朝廷何自而清忠賢何自而進東漢之亂實基於此惜乎光武之業三傳而遂微朱子立此一例豈無意哉故孝和即位之後竇憲擅殺書舅鄭眾封侯書宦者用昭鑑戒于方來

也

集覽

鄭鄉史炤曰在南陽鄭土交反

宦者封侯自此始

書法

元帝之篇書宦者為中書令而已未有封侯者也宦者封侯漢末之禍始

此矣書宦者封侯始此終綱目宦者書封十是年鄭眾安帝建光元年江京等延光

四年孫程等桓帝建和元年劉廣等延熹二年單超等又侯覽等靈帝光和二年呂

強中平二年張讓齊辛未年魏符承祖唐肅宗寶應元年李輔國封侯非也封王甚

矣輔國

發明 鄭眾封侯何不揭宦者書之蓋已見之於前矣夫以天刑絕嗣之人而使

癸卯十五年夏四月晦日食

不言宦官封侯而急諸王就國失輕重矣

時帝遵肅宗故事兄弟皆留京師有司以日食陰盛奏遣諸王就國詔曰甲子之異責由

一人諸王幼稚早離顧復常有蓼莪凱風之哀選懦之恩知非國典且復宿留

早離顧復離去聲自幼去父母也詩蓼莪篇父兮生我母兮鞠我顧我復我注顧旋視也

復反覆也蓼莪凱風之哀蓼莪小雅詩美七子能盡孝道爾曰哀哀父母生我劬勞蓋重

集覽

自哀傷也凱風邶國風詩曰母氏劬勞曰母氏勞苦蓋重哀母生衆子幼而育之其痛苦甚矣蓼莪音六鵝宿留宿先就反留力就反宿留躊躇停待貌索隱曰若如字讀則言宿而留有所須待也並通按後書清河孝王傳注宿留本作須留言行相待也字或作徇留

正誤 選懦今按李賢曰選懦慈戀不決之意史記律書選蠕觀望索隱云蠕音軟選

蠕謂動身欲有進取之狀前漢書杜欽曰議者選與音義柔怯也與與蠕通此云選懦之恩蓋謂柔怯不能斷制是以留諸王于京師不遣就其國也懦亦當與與通並音軟

雨水○冬十月帝如章陵十一月還宮 **質實** 統一

志云章陵卽春陵也漢光武卽位改春陵爲章陵復其徃役後置章陵縣於此屬南陽府晉廢之故城在襄陽府棗陽縣南三十五里

時太尉張禹留守聞車駕當幸江陵以爲不宜冒險遠遊驛馬上諫詔報曰祠謁旣訖當南禮大江會得君奏臨漢四輿

主德

詔太官勿受遠國珍羞

嶺南舊獻生龍眼荔枝十里一置五里一候晝夜傳送臨武長唐羌上書曰臣聞上不以滋味爲德下不以貢膳爲功南州炎熱惡蟲猛獸不絕於路獻生龍眼荔枝者觸犯死亡

不可勝數死者不可復生來者猶可救也詔曰遠國珍羞本以薦奉宗廟苟有傷害豈愛民之本其勅太官勿復受獻

集覽

十里一置置驛遞也增韻注馬遷曰置步遞曰

郵孟子速於置郵而傳命一候封候也司望曰候臨武桂陽郡臨武縣正義曰桂陽五嶺之一也在嶺南屬荊州

質實

一統志云臨武漢之縣名屬桂陽郡隋屬彬州唐改

曰隆武尋復舊名五代晉時省入平陽縣宋復置屬桂陽軍元屬桂陽路本朝因之改屬衡州府

書法

自世祖有詔太官勿受郡國異味之書於是時再見書美之也與書以姚

通鑑綱目 卷之十一
思執為簡較進食使者
異矣唐玄宗天寶九載

甲辰 十六年秋七月旱○司徒恭免以張酺為司

徒八月卒以徐防為司徒陳寵為司空○北匈

奴請和親

帝以其舊禮不備未許而厚加賞賜不答其使

乙巳 元興元年春高句驪寇遼東質實高句驪東夷國名注

見新莽始建國四年遼東郡名注見秦王政三年

書法 高句驪見綱目始此

○冬十二月帝崩太子隆即位當作皇后迎子隆即

位○謹按凡例曰繼世曰太子某即位有故則隨事書之和帝失子十數後生者養于民間帝崩鄧后迎立子隆為太子即位和帝在位時固未嘗立也當隨事書之以著其實當作皇后迎子隆即位

初帝失皇子十數後生者輒隱秘養於民間羣臣無知者及帝崩皇后乃收皇子於民間長子勝有痼疾少子隆生始百餘日迎立以為太子即位

以帝王家
嗣養于民
間大失

書法 賀善贊曰和帝在位綱目書實憲外非封拜則天變邊事而已然其間如

書陳寵為廷尉書旱蝗除租稅書遣使循行廩貸書詔太官勿受珍羞蓋亦慈儉之

君也乃能蚤發英斷收攬權綱而又尊儒納諫動無大過惜乎始謀不遠權奸雖除

而闡堅用事遂為東漢基禍之主綱目書封鄭眾為鄉侯重惜之也○惠帝之末

書太子即位而不書立太子他人子也於是太后收皇子於民間則其正統明矣不

書立為太子何迎立於發喪之後也玄孫嬰則何以書王莽居攝嬰未嘗即位書立

為皇太子所以正名也然則隆不書立與少帝何別焉即位書名所以為異也兩漢

太子不書立二少帝 漢帝冲帝以下不書立太子者五世非無子則不早建也

尊皇后曰皇太后 太后臨朝○雒陽令王渙卒

渙居身平正能以明察發擿姦伏外猛內慈人皆悅服至是卒官百姓莫不流涕為立祠

作詩弦歌以祭太后詔曰夫忠良之吏國家所以為治也求之甚勤得之至寡其以渙子

石為郎中**集覽**發擿姦伏注見宣帝本始三年卒郎中官死於任所也記曲禮下大夫死

卒曰**質實**王渙鄭人

書法 令未有書卒者其卒渙何錄循吏也終綱目令長書卒者二人而已矣王

渙陳
寔

發明

令未有書卒而此書之者
蓋欲著其循良之績也

丙午

孝殤皇帝延平

元年春正月以張禹為太傅

徐防為太尉參錄尚書事

太后以帝在襁褓欲令重臣居禁內乃詔禹
舍宮中五日一歸府每朝見特贊與三公絕

席

集覽 襁褓史記齊世家成王少在強葆索
隱曰強葆即襁褓古字少假借用之

正義曰強闊八寸長八尺用約小兒而負之
行葆小兒被也顏師古曰即今小兒繡強舉

兩反葆音保絕席注

正誤

特贊今按贊即贊
拜之贊朝見之時

不與羣臣同贊而特贊也
與下文三公絕席同意

封帝兄勝為平原王

考異

帝字羨按建武二年
書封兄續子章為太

原王十五年書追謚兄續為齊武
公並不加帝字則此帝字當削

質實

平原國
名注見

光武建
武五年

○以梁鮪為司徒

○三月葬慎陵

考證

慎當作順○謹按漢書帝紀葬孝和皇帝於慎
陵章懷注云俗本作順者誤考之皇后紀和熹
皇后合葬順陵而靈帝父孝仁皇稱慎陵世之
相去不遠登應襲慎陵之號蓋孝和實葬順陵

光武專封
此太后臨
朝不得執
一論

而皇后紀可證也章懷因正文傳寫以順為慎遂注為俗本之誤者非是當作順陵為正

實一統志云慎陵在河南府城東南

胡氏曰和帝幼冲能誅竇憲自是威權不失無大過舉尊信儒術友愛兄弟禮賢納諫中國又安方之章帝實過之矣

清河王慶就國特加殊禮

慶子祐年十三太后以帝幼弱遠慮不虞留祐與嫡母耿姬居清河邸姬况孫也

實清河國名注見安帝建元元年其陵

書法

書殊禮始此終綱目通稱殊禮者十司馬溫宋王裕蕭道成高歡唐王淵徐知誥惟清河王書特加齊王攸書賜梁冀會稽王昱大皆自加而已詳高帝十年

夏四月罷祀官不在禮典者

考異提要禮誤作祀

太后雅不好淫祠

書法

罷淫祀也自成帝書罷陳寶祠於是再見故通鑑不書綱目特書之所以賢太后也終綱目淫祠書罷者三成帝建始二年是年甲申年魏罷胡神書壞一柜

賢后

帝延熹八年書特二辛酉年宋甲午年陳書禁一唐高祖武德九年書焚一唐中宗嗣聖五年秋仁傑

鮮卑寇漁陽太守張顯戰沒

鮮卑入寇張顯率數百人出塞追之掾嚴授諫不聽進兵遇虜伏發士卒悉走唯授力戰而死主簿衛福功曹徐咸皆自投赴顯俱歿於陳

以戰而死其死可錄

以鄧騭為車騎將軍儀同三司

考異

以字下漏舅字與未

元元年書

質實

鄧騭南陽新野人訓之子

○司空寵卒○五

主德

月河東垣山崩○以尹勤為司空○雨水○減用度遣宮人

太后詔減太官導官尚方內署諸服御珍膳靡麗難成之物自非陵廟米不得導擇朝夕一肉飯而已郡國所貢皆減過半斥賣上林鷹犬離宮別館儲峙米炭悉令省之又詔免遣掖庭宮人及宗室沒入者皆為庶民

集覽

導官少府屬官顏師古曰導擇也

官主擇米或謂獄名非也如瀆曰導官太官之別也主酒之官內署顏師古曰即中署也百官表有內署門戶省

安民

秋七月詔實覈傷害除其田租

詔曰間者水災害稼朝廷憂懼而郡國欲獲虛譽遂多張墾田競增戶口掩匿盜賊貪苛慘毒延及平民刺史垂頭塞耳阿私下比不畏于天不愧于人自今以後將糾其罰其各實覈所傷害

集覽

下比比毗至反阿黨為比

書法

書救災也太后於是賢矣終綱目書大水六十三雨水十有五而書處恤

者七武帝元狩三年是年安帝永初元年宋乙亥年唐太宗貞觀七年德宗貞元八年文宗太和六年世主以災為玩者多矣

八月帝崩太后迎清河王子祐入即位太后猶

臨朝

后與兄隲定策禁中迎祐

質實

長安縣名注見惠帝元年

書法

書太后迎何太后私也殤帝有兄疾又非痼獨與兄隲定策禁中違眾而立祐焉以是為私也故特書太后殤帝之初太后臨朝矣此其書猶臨朝何病太后也曷為病之安帝於是亦十三年矣而猶臨朝特書曰猶以為可歸政而不歸也終綱目書太后臨朝御殿稱制稱詔者二十有二詳惠帝七年而書猶者二安帝鄧太

綱目書太后臨朝御殿稱制稱詔者二十有二詳惠帝七年而書猶者二安帝鄧太

通鑑綱目

漢殤帝延平元年

正編

后桓帝 梁太后

發明

春秋傳曰猶者可已之辭也是時安帝春秋十三若輔以大臣自可躬親庶政故太后臨朝綱目書猶以譏之爾嗚呼賢如鄧氏君子猶不之予况下於此者乎

鄧后賢德 詔檢救鄧氏賓客

詔司隸校尉河南尹南陽太守日每覽前代外戚賓客濁亂奉公為民患苦咎在執法怠懈不輒行其罰故也今宗門廣大姻戚不少賓客姦猾多干禁憲其明加檢救勿相容護

自是親屬犯罪無所假貸

書法

特筆也太后於是賢矣

發明

鄧氏以賢德自居故簡敕其家為甚嚴書之于冊亦足少見其美然未若釋然歸政之為愈也

九月大水○葬康陵

考證

謹按漢書殤帝葬康陵質帝紀叙康陵在

恭陵上而前漢平帝已名康陵或曰康本作康康與康字相似但少不同遂誤為康章懷註云在慎陵塋中康地今詳或人之說及章懷註語則當作康陵姑錄于下以伺博學君子正焉

質實 一統志云軍陵在河南府東南

以連遭大憂百姓苦役方中秘藏及諸工作減十之九

集覽 方中秘藏藏才浪反

於方中為秘藏以藏明器也前書張湯傳為茂陵尉治方中漢書音義曰方中陵上土作方也湯主治之蘇林曰天子豫作陵墓而諱之故言方中顏師古曰古謂掘地為坑曰方荆楚俗土工築作算程課者猶以方計非謂避諱也如滄曰漢舊儀陵制用地七頃方中用地一頃深十三丈堂壇高三丈墳高十二丈皇覽曰漢家之葬方中百步外穿築為方城開四門容大車六馬錯渾雜物也其明器之數注見晉武帝泰始八年

隕石于陳留 **質實** 陳留縣名注見秦二世三年

○冬十月大

主德 水雨雹 ○十二月清河王慶卒 ○罷魚龍曼延

戲 **集覽** 魚龍曼延戲注見武帝元封二年

書法 自武帝書作魚龍曼延於是書罷美之也然隋徵天下散樂而魚龍之戲

尚存則奇淫之習入人者深矣書罷戲始此終綱目書罷戲伎四是年安帝永初三

年戊戌年晉辛丑年隋

○詔舉隱逸選博士

樊準上疏曰臣聞人君不可以不學光武皇帝受命中興不遑啓處然猶投戈講藝息馬論道孝明皇帝庶政萬機無不簡心而垂情古典游意經藝正坐自講諸儒並聽化自聖躬流及蠻荒今學者益少遠方尤甚博士倚席不講儒者競論浮麗宜博求幽隱寵進儒雅以俟聖上講習之期太后深納其言詔公卿中二千石各舉隱士大儒務取高行以勸後進妙簡博士必得其人

集覽

倚席不講顏師古曰倚席謂不施講坐也

質實

樊準湖陽人宏之孫

書法

詔舉隱逸綱目再書而已是年宋辛未年魏

未

孝安皇帝永初

元年春二月司徒鮪卒○三

月日食○夏四月封鄧騭及弟悝弘闡皆為列

侯騭辭不受

考異

此封字下亦漏舅字

自和帝之喪鄧騭兄弟常居禁中騭不欲久在內連求還第太后許之至是辭讓不獲逃避使者上疏自陳至於五六乃許之

書法

書不受何嘉讓也書不受始此終綱目書不受十九書不拜三外戚能讓

者騭而已不受有三有誠讓者有偽讓者有不滿者是年鄧騭建光元年薛包靈帝

賢

建寧元年陳蕃光和二年呂強獻帝初平二年劉虞後主延熙十一年徐邈十二年司馬懿晉孝武帝太元八年謝玄宋癸亥年蔡廓戊寅年雷次宗陳庚辰年王晞唐玄宗開元六年盧鴻代宗廣德二年郭子儀穆宗長慶四年劉栖楚五代丙申年周環皆誠讓者也獻帝建安十五年曹操後主景耀元年司馬昭晉安帝義熙六年以後劉裕皆偽讓者也唐僖宗乾符三年王仙芝昭宣帝初朱全忠戊戌年閩主昶皆不滿者也

五月以魯恭為司徒。

恭奏舊制立秋乃行薄刑自永元以來改用孟夏上逆時氣下傷農業按月令孟夏斷薄刑者謂輕罪已上不欲久繫故時斷之也孟夏之制可從此令其決獄案考皆以立秋為斷章帝定令斷獄皆以冬至之前而小吏入十一月得死罪賊不問曲直便即格殺雖有疑罪不復讞正可令大辟之科盡冬月乃斷從之

集覽

斷獄皆以冬至之前章帝

詔曰律十二月立春不以報囚月令冬至之後有順陽助生之文而無鞠獄斷刑之政王者生殺宜順時氣其定律毋以十一月十二月報囚注報猶論也讞正讞魚列反說文正獄議罪曰讞記文王世子公族無官刑獄成有司讞于公注讞之言白也



通鑑綱目 卷之十一
六月罷西域都護及伊吾盧柳中屯田。伊吾

盧注見明帝永平十五年柳中明帝永平十七年以關寵為已按尉屯車師前王部柳中城

質實 柳中縣名注見齊明帝建武四年高昌國

西域都護段禧等保龜茲道路隔塞檄書不通公卿議者以為西域阻遠數有背叛吏士

屯田其費無已於是罷之

書法 伊吾盧於其大獄案者以是為是四書矣

諸羌復叛

諸降羌布在郡縣皆為吏民豪右所徭役積以愁怨及罷都護發羌數千騎迎之羣羌散

叛諸郡發兵邀遮或覆其廬落於是諸種奔潰大為寇掠遂斷隴道然歸附既久無復器

甲或持竹竿木枝或負板案以為楯或執銅鏡以象兵郡縣畏懦不能制乃赦其罪

集覽 楯與盾同食尹反兵器所以扞目蔽身

秋九月以寇賊雨水策免太尉防司空勤

三公以災異免自此始仲長統曰光武愠數世之失權忿疆臣之竊命矯枉過直政不任下雖置三公事歸臺閣自此以來三公之職備員而已至於中世權移外戚寵被近習用



其私人殘擾百姓使四夷乖叛怨氣並作陰陽失和三光虧缺怪異數至水旱為災而反以策讓三公至於死免豈不寃哉又中世之選三公也務於清慤謹慎循常習故者是乃婦女之簡桺鄉曲之常人耳惡足以居斯位耶昔文帝愛鄧通而猶展申屠嘉之志至如近世外戚宦豎請託不行立能陷人於不測之禍惡可得而彈正者哉光武奪三公之重至今而加甚不假后黨以權數世而不行蓋親疎之執異也人主誠專委三公分任責成而在位病民百姓不安天地多變然後可以分此罪矣

集覽 仲長統仲名也用其私人詩大東篇私人之子百僚是試註私人私家人也是試用於百官也箋云

此言周衰羣小得志策讓策王言也讓責也簡桺猶言防範也章懷曰簡桺猶規模也楊雄傳蠢廸簡桺顏師古曰簡桺謂櫜括也

質實 仲長統高平人

書法 特筆也書策免多矣未有書所以者於翟方進見之然猶諱之也自徐防尹勤始而漢世以為故常矣直書以寇賊雨水策免深譏之三公經邦燮理職也書以寇賊雨水非咎之歟果咎防勤則書某某以寇賊雨水策免矣凡書策免某皆無罪者也

發明 東漢自中世以來寇賊災異輒策免三公夫鎮撫中外燮理陰陽固三公

職也。豈知是時戚宦用事，乃悉歸罪三公可乎。然為三公者，職思其憂，苟不得以行其志，蓋亦不待譴逐，引身而去可乎。冒居其位，諉曰權非已出，誰實尸之。故東漢諸賢病在去之不早，綱目直書以寇賊雨水策免，雖欲盡辭其責可乎。

詔減黃門鼓吹，及廐馬半食。○冬十一月司空

周章自殺

考異

按延平元年司空寵卒，即書以尹勤為司空。此上書策免司空

勤不書以周章為司空闕漏也。

鄭眾、蔡倫等皆秉執豫政，周章數進直言，太后不能用。初，太后以平原王勝有痼疾，而貪

殤帝孩抱，養為己子，故立焉。及殤帝崩，羣臣以勝疾非痼，意感歸之。太后恐勝終怨，乃迎帝而立之。周章以眾心不附，密謀誅隲兄弟及眾倫等，廢太后及帝而立勝。事覺，自殺。

質實

周章南陽隨人

書法

於是周章謀立平原王勝，則曷為不以謀逆書勝長子也。疾又非痼，眾心

歸之，清河之立，太后之私也。章位三公，與其他謀廢立者固異矣。故不書謀逆，書謀逆則疑於上官桀。然則予之歟，果予之則不書自殺矣。后無大過，隲又近賢，章不量時而出此計，以為其死也，自取之而已矣。故不書謀逆，以戒太后之自私，書自殺以

譏大臣之不審

發明

章既有密謀事覺而死胡不正其罪名蓋是時太后戀權羣情忿鬱平原親和帝之子捨而不立故章欲追正其失綱目所以無罪可書耳然章効忠帝室亦無褒詞何也清河王慶故肅宗元子無故見廢今以其子紹統殆亦天意况太后制朝羣從分布無有顯顯過失章不度德量力輕舉妄動則足以殺其軀而已書司空周章自殺固非他人殺之也

備邊

十二月詔鄧騭及校尉任尚將兵屯漢陽以備

羌

質實

漢陽郡名注見靈帝建寧二年

○地震大水大風雨雹

大象

是歲郡國十八地震四十一大水二十八風雹

戊申二年春正月鄧騭擊鍾羌大敗○以公田賦

與貧民遣使稟貸糶流民

質實

冀州名注見秦二世二年

主德

信都兗州名注見獻帝興平二年

御史中丞樊準上疏請減無事之物省官吏作者被災之郡百姓凋殘恐非賑給所能勝贍可遣使持節慰安尤困乏者徙置荆楊諸郡太后從之悉以公田賦與貧民卽擢準為

光祿大夫使冀州遣議郎呂倉

集覽

勝瞻勝音升瞻

使兗州稟貸流民咸得蘇息時豔反勝瞻足可調贍也稟貸稟筆錦反說文賜穀也貸士戴反施也漢西域傳須諸國

稟食顏師古曰稟給也讀曰廩

書法

以地震大水風雹故也終綱目書大水六十三雨水十五而書處恤者七

太后居其二焉可謂賢矣

夏旱五月太后親錄囚徒

皇太后幸洛陽寺及若盧獄錄囚徒洛陽有囚實不殺人而被考自誣羸困輿見畏吏不

錄囚釋寃實盛德事但安帝在位二載時已十五置之何地耶

敢言將去舉頭若欲自訴太后呼還問狀具得枉實即收令抵罪行未還宮澍雨大降

集覽

洛陽寺官之所止曰寺收令抵罪令洛陽令也抵罪注見漢王邦元年

書法

書親錄囚徒何嘉恤旱也然則以母后與政無譏歟貶必於其重者書猶

臨朝足以示貶矣終綱目書大旱三十八書旱五十八而書恤旱之政者十有二而

已終綱目書親錄囚六是年鄧太后丙寅年宋文帝齊辛未年魏主宏癸酉年魏王

宏梁戊申年魏主子攸乙卯年周世宗

發明

方書稟貸流民又書親錄囚徒其留意民事若此然災異寇賊紛紛迭出

何哉自古未有母后能措天下於太平者况鄧后又非安帝之母參考觀之義自見矣

天象

六月大水大風雨雹○秋七月太白入北斗

書法

書太白始此終綱目書太白六是年晉惠帝永康元年穆帝升平元年安

帝義熙五年唐高祖武

德九年五代巴酉年

任尚薄班
超為無奇
卒有此敗

○冬任尚與先零羌滇零戰大敗詔遣謁者龐參督諸軍屯

鄧騭使任尚與先零別種滇零等戰于平襄尚軍大敗羌眾遂大盛朝廷不能制湟中粟石萬錢死亡不可勝數而轉運難劇故左較令龐參先坐法輪作若盧使其子俊上書曰萬里運糧遠就羌戎不若總兵養眾以待其疲鄧騭宜且振旅留任尚使督凉州士民轉居三輔休徭役以助其時止煩賦以益其財令男得耕種女得織紝然後畜精銳乘懈沮出其不意攻其不備則邊民之讎報奔北之恥雪矣書奏會樊準上疏薦參太后即擢參於徒中召拜謁者使西督三輔諸軍屯

集覽

先零東羌種名零音憐滇零音顛憐

人名先零羌之別種平襄雍州之域周以前為西戎地在隴西漢武置天水郡治平襄城

〔湟中〕注見宣帝元康四年〔左較令〕官名也掌左工屬將作大匠〔坐法輸作若盧〕坐謂案法科罪也輸作謂在若盧獄中輸贖工作百官表曰若盧少府屬官如淳曰滅兵器品令曰若盧郎中二十人主弩射漢儀注有若盧獄令主治庫兵將相大臣又王商傳丹等奏請詔商詣若盧詔獄孟康曰若盧獄名屬少府黃門北寺獄是也盧音廬〔織絰〕織者作布帛之總名絰者機縷也杜預曰織絰謂織繒布也維如鳩反〔徒中〕在囚徒之中顏師古曰徒供役

質實

一統志云〔平襄〕漢之縣名為天水郡治所東漢末廢入秦州故城在鞏昌府城東三百六十里

十一月徵鄧騭為大將軍

鄧騭在位頗能推進賢士薦何熙李邵等列於朝廷又辟弘農楊震巴郡陳禪等置之幕府天下稱之震孤貧好學通達博覽諸儒為之語曰關西孔子楊伯起教授二十餘年不答州郡禮命衆人謂之晚暮而震志愈篤騭聞而辟之時震年已五十餘累遷荊州刺史東萊太守當之郡道經昌邑故所舉荊州茂才王密為令夜懷金遺震震曰故人知君君不知故人何也密曰暮夜無知者震曰天知地知我知子知何謂無知者密愧而出子孫常疏食步行故舊或欲令為開產業震曰使後世稱為清白吏子孫以此遺之不亦厚乎

賢 學

漢安帝永初二年 正編

集覽

東萊郡屬青州古萊子國也今萊州是

質實

荆州注見獻帝建安十二年東萊郡名注見成帝永始元年昌邑縣名注見秦

二世三年

滇零僭稱天子寇鈔三輔按尉梁懂破走之考

異

按征伐例曰僭名號曰稱據前後凡稱皇帝稱王稱天王不加僭字唯盜賊曰僭號不言

皇帝此僭字疑羨

質實

梁懂北地弋居人

○地震

己酉三年春正月帝冠○京師大飢民相食

書法

民相食天下無邦矣而見於京師至大異也綱目書民相食十詳漢初丙

申年而見於京師一而已終綱目書大飢二十六詳秦初丁巳年書京師旱飢五是

年桓帝元嘉元年唐高宗總章元年代宗永泰五年九年

○司徒恭罷

恭再在公位選辟高第至列卿郡守而門下耆生或不蒙薦舉有怨望者恭聞之曰學之不講是吾憂也終不借之議論學者受業必窮核問難道成然後謝遣之**集覽**高第索隱曰謂才優而品第高也耆生老書生也禮記賀楊注耆至也言至老境也耆渠伊反

終不借之議論謂終不
優假一語而薦舉之

夏四月令吏民入錢穀得拜官賜爵有差

從三公
之請也

南匈奴反

漢人韓琮隨單于入朝既還說云關東
水潦人民飢餓死盡可擊也單于遂反

秋九月海賊張伯路寇濱海九郡○烏桓鮮卑

南匈奴合兵寇五原○冬十一月南匈奴圍中

郎將耿种于美稷遣中郎將龐雄將兵討之

與 此當書擊誤作討與元鼎六年討西羌同據
四年書耿夔擊南匈奴破走之則此年傳誤

集覽 美稷正義曰縣屬西河郡按西河
即雲中郡之西可云勝州東河也

發明 匈奴未有反書而此年書南匈奴反
者已臣於漢受其廩給則非其他夷

狄比矣既書其反於前遂正其討於
後書法若此固非苟於尊中國也

○十二月地震○有星孛于天苑

苑十六星如環狀在畢南天
子養禽獸益稀暗則多死

○雨水○并涼大

天象

漢安帝永初三年

飢人相食

質實

并涼二州名并州注見晉愍帝建興四年涼州注見唐中宗景

龍二年

書法

春書京師大飢民相食矣於是再書并涼終綱目書人相食十帝居其二

焉若其一歲再書則其與命以終綱目一而已矣

○詔饗遣衛士勿設戲作樂減逐疫侂子之半。

集覽

侂子徐廣曰侂音震又音真史記作侂西京賦侂子萬童駟按薛綜注云侂之爲言善也善男幼子也儺于禁中而逐疫續漢書曰大儺選中黃門子弟十歲以上十二以下百二

十人爲侂子皆赤幘皂製執大靴後漢禮儀志先儺一日謂之逐疫中黃門倡侂子和曰甲作食。伯奇食夢。彊梁祖明共食磔死寄生。委隨食。觀。錯斷食巨。窮奇騰根共食蠱。凡使十二神追惡凶。掠女軀。拉女幹。節解女肉。抽女肺腸。女不急去後者爲糧。

庚戌

四年春正月元會徹樂。不陳充庭車。

集覽

不陳

充庭車故事元旦陳列車輦充滿于庭今不令陳列

○遣御史中丞王宗

青州刺史法雄討張伯路。

質實

法雄扶風郿人

○度遼

減徹之事備矣顧不悔悟返政荷也

將軍梁懂遼東太守耿夔擊南匈奴破走之○
詔以涼州牧守子弟為郎

龐參說鄧騭徙邊郡不能自存者入居三輔
騭然之欲棄涼州并力北邊乃會公卿集議
騭曰譬若衣敗壞一以相補猶有所完若不
如此將兩無所保公卿皆以為然郎中虞詡
言於太尉張禹曰若大將軍之策不可者三
先帝開拓土宇勞而後定今憚小費舉而棄
之一也涼州既棄即以三輔為塞園陵單外
二也諺曰關西出將關東出相烈士武臣多
出涼州士風壯猛便習兵事今羌胡所以不
敢入據三輔為心腹之害者以涼州在後故

三議鑿然
續畫

涼州要書

也涼州士民所以推鋒執銳父死子戰無反
顧之心者為臣屬於漢故也今割而棄之民
庶安土重遷必引領而怨曰中國棄我於夷
狄如卒然起謀因天下之飢敝驅氏羌以為
前鋒席卷而東則函谷以西園陵舊京非復
漢有三也議者喻以補衣猶有所完詔恐其
疽食浸淫而無限極也禹以為然詔因說禹
網羅涼土雄傑引其牧守子弟於朝外以勸
勵答其功勤內以拘致防其邪計禹善其言
更集四府皆從詔議於是辟西州豪傑為掾
屬拜牧守長吏子弟為郎以安慰之

集覽

引領引伸也領頸也
謂長引其頸而怨恨

也疽食疽癰也疽食義同蠶食四府謂太師
太傅司徒司空西州注見光武建武元年

進

能

以虞詡為朝歌長討縣境羣盜平之

鄧騭以前議惡虞詡欲以法中之會朝歌賊數千人攻殺長吏屯聚連年州郡不能禁乃以詡為朝歌長故舊皆弔之詡笑曰事不避難臣之職也不遇盤根錯節無以別利器此乃吾立功之秋也始到謁河內太守馬稜稜曰君儒者當謀謨廟堂乃在朝歌甚為君憂之詡曰此賊犬羊相聚以求溫飽耳願明府不以為憂稜曰何以言之詡曰朝歌背太行

正誤

四府今按當謂太傅太尉司徒司空見後漢書百官志集覽第十二卷今之四

公條下所引是也

質實

虞詡武平人

臨黃河去敖倉不過百里而青冀之民流亡萬數賊不知開倉招眾劫庫兵守城臯斷天下右臂此不足憂也今其眾新盛難與爭鋒兵不賦權願寬假轡策勿令有所拘閔而已及到官設三科以募壯士掾吏以下各舉所知攻劫者為上傷人偷盜者次之不事家業者為下收得百餘人貫其罪使入賊中誘令劫掠乃伏兵以待之殺數百人又潛遣貧人能縫者傭作賊衣以采線縫其裾有出市里者吏輒禽之賊於是駭散縣境皆平

集

覽

中之陰害之也中音竹仲反朝歌注見秦王政六年盤根錯節顏師古曰樹根之盤

互木節之交錯非堅利之器不能治之背太行背音佩太行注見周安王十五年敖倉注

見漢王劉邦三年厭權厭與
厭通謂當知權變不宜拘泥
質實 馬稜扶風茂陵人援
之族孫成臯縣名注
見秦莊襄王元年

三月南匈奴降

龐雄等連營稍前單于大恐讓韓琮曰汝言漢人死盡今是何等人也乃遣使乞降脫帽徒跣對雄等拜於是赦之遇待如初

先零羌寇漢中太守鄭勤戰死

勤戰大敗主簿段崇門下史王宗原展以身扞刃與勤俱死

地震○夏蝗○張伯路降復叛入海島

王宗法雄與伯路連戰破走之會赦到賊以軍未解甲不敢降議者皆以為當遂擊之雄曰不然兵凶器戰危事勇不可恃勝不可必賊若乘船入島攻之未易也及有赦令可且罷兵以慰誘其心執必解散然後圖之可不戰而定也宗善其言即罷兵賊乃還所略人而東萊郡兵獨未解甲賊復驚走海島上
集覽 海島韋昭曰海中
質實 一統志云海島在淮安府海州城東八
十里即高公島也舊傳有高公嘗漁於此



秋七月大水九月地震

書法

元帝初元正月書地震七月書復震異之也此其一歲再震同也則其不

書復何一書至再則不足以爲異矣終綱目一歲再震十有二詳初元元年

○冬十月太后母新野君卒

新野君病太后幸其第連日宿止三公上表固爭乃還宮及薨鄧騭等乞身行服太后欲不許曹大家勸后許之及服除詔騭復還輔朝政更授前封騭等叩頭固讓乃止於是並奉朝請有大議與公卿參謀

質實

新野縣名注見平帝元始四年

書法

宣帝之篇書外祖母矣此其書太后母何帝自外入也

辛亥五年春正月朔日食○地震○羌寇河內詔

遣兵屯孟津三月徙緣邊郡縣避寇遣侍御史

任尚擊羌破之

先零羌寇河內百姓多奔渡河使宋寵將五營士屯孟津詔魏趙常山中山作塢堠六百所羌既轉盛而緣邊二千石令長多內郡人無守戰意皆爭上徙郡縣以避寇詔皆從之百姓戀土遂刈其禾稼發徹室屋夷營壁破積聚時連旱蝗飢荒而驅蹙劫掠流離分散

此清野之害爲將者不可不卹

隨道死亡。或棄捐老弱。或為人僕妾。喪其大半。復以任尚為侍御史。擊羌於上黨羊頭山。破之。乃罷。

孟津屯。 **集覽** 塢。塢通作鴨。小障也。塢或曰塢。司望曰候。 **質實** 河內郡名。注見桓帝延熹九年。孟津縣名。注見

帝玄更始二年。魏郡名。注見成帝綏和二年。趙國名。注見景帝三年。常山郡名。注見靈帝

中平二年。中山郡名。注見周威烈王二十三年。上黨郡名。注見周赧王五十三年。一統志

云羊頭山在潞州長子縣東南五十六里。上有石狀如羊頭。故名。

書法 徙民避寇。建武十五年嘗一書矣。於是復見。

法雄擊張伯路破斬之。 **考異** 按綱目盜賊並書。討據前年書遣法

雄討張伯路。此條擊字傳誤。 **考證** 擊當作討。 **秋漢陽人杜**

季貢寇陷上邽。 **考異** 按褚燕許生等皆稱賊。 **質**

實 漢陽郡名。注見靈帝建寧二年。王邽縣名。注見光武建武八年。 **蝗雨水**

六年春正月省薦新物二十三種。

詔曰。凡供薦新味。多非其節。或鬱養彊孰。或穿掘萌芽。味無所至。而夭折生長。豈所以順時育物乎。自今皆須時。 **集覽** 鬱。養彊孰。鬱滯也。彊勉也。皆非

薦新之害。民甚多宜。詔玩承初之。

自然孰字本無四點說文本食餽

正誤 鬱養 疆孰

字文選司馬相如賦盧橘夏孰

今按此謂蓄火土中蒸鬱而養之

疆使其孰也疆音上聲孰古熟字

書法 自世祖有太官勿受異味之詔至和

帝有詔太官勿受珍羞之書於是又

書省薦新物二十

三種皆可美者也

三月蝗○夏詔封建武功臣○五月旱○六月

豫章員谿原山崩

質實 豫章郡名注見

武帝元鼎五年

○滇零

死子零昌以杜季貢為將軍

癸丑 七年春正月太后率大臣命婦謁宗廟

書法 書譏非古也於是帝年二十宜能從

宗廟之事矣而太后親焉故通鑑不

者災異之甚

元鼎六年

長百餘里

甲寅 元初元年春二月日南地坼

質實 日南郡名注見武帝

六年

通鑑綱目

卷之十

漢安帝元初元年

七

正編

書法 於是地坼長百餘里大變也綱目書地坼三有百三十步者矣秦庚申年有八十五丈者矣順帝陽嘉二年未有甚於此者也

備邊

三月日食○遣兵屯河內以備羌○夏旱蝗○

災異

六月河東地陷

書法

書地坼裂多矣未有書地陷者地至於陷大變也故通鑑不書綱目特書

之終綱目書地陷一而已

○羌豪號多掠漢中斷隴道校尉侯霸與戰破

之集覽

漢中郡名注見周赧王四年隴道即隴山之道注見光武建武八年隴坻

書法

隴道何關要也攻守之際地有關於大勢者綱目必特書之故秦書絕太

行道周赧王五十二年漢書斷隴道是年書斷斜谷閣獻帝初平二年唐書斷峽江

路僖宗中和二年

○冬十月朔日食○地震

乙卯二年春號多降

校尉龐參以恩信招誘諸羌號多等降參遣詣闕賜侯印遣之參始還治令居通河西道

通鑑綱目

卷之十

漢安帝元初二年

七

正編

集覽 號多西羌種名也號吾之弟令居注見武帝元狩四年河西道武帝時開河西

酒泉之地正義曰河謂隴右蘭州之西河也今涼肅等州是巴光武時竇融據河西五郡

地斗絕在羌胡中按五郡謂**質實**一統志云武威張掖酒泉燉煌金城

郡名本月氏國之地後為匈奴所據武帝時始置酒泉武威張掖燉煌金城等郡以斷匈

奴右臂時號河西五郡晉時張軌據河西為前涼呂光繼之為後涼及李暠遷酒泉號西

涼沮渠蒙遜據張掖號北涼後魏分置西涼州西魏更名甘州唐時地屬隴右道天寶中

沒于吐蕃大中間收復故地宋金俱為西夏所據元立甘肅等處行中書省理于此以控

河西諸郡 本朝初置甘肅衛後改置陝西行都指揮使司于此直隸陝西道

零昌寇益州遣中郎將尹就討之 **考異** 零昌夷狄據下

文書班雄等擊零昌則此亦當書擊是後四年書討叛羌永寧元年書討羌並同 ○夏

四月立貴人閻氏為皇后

后性妬忌後宮李氏生皇子保后鳩殺李氏

書法 於是帝即位九年年二十二矣立后之遲未有如此者而竟得妬后卒以

亂朝關雎憂在進賢宜矣哉

順帝

五月旱蝗。○秋八月遼東鮮卑圍無慮。集覽無慮

應劭曰遼東邑名無或作巫慮音閭字或作閭今廣寧路閭陽縣是縣北山即鑿巫慮也周禮職方氏東北曰幽州其山鎮曰醫無閭按輿地要覽渝關以東行南瀕海北限大山盡皆粗惡不毛此山忽峭拔摩空蒼翠萬仞全類江左此鑿巫閭山也。質實一統志云

縣名屬遼東郡為西部都尉治所晉屬平州唐置巫閭守捉城渤海為顯德府地置顯州奉先軍金改為廣寧府領廣寧望平閭陽鍾秀四縣元改府為路。本朝改為廣寧衛屬遼東行都指揮使司。○九月晦日食。○按尉班雄等擊零昌大

敗

詔班雄屯三輔司馬鈞督關中兵龐參將羌胡兵分道並擊零昌參兵至勇士城東為杜季貢所敗引退鈞等獨進攻拔丁奚城季貢率眾偽逃鈞令仲光收羌禾稼光等散兵深入羌設伏要擊之。集覽仲光姓名也要擊要光等兵敗並沒。質實司馬鈞東萊人於路

冬遣中郎將任尚屯三輔

懷令虞詡說尚曰兵法弱不攻強走不逐飛自然之執也今虜皆馬騎日行數百里來如

步騎各有
所宜調
度中窾

與將才

變化存乎
人何必古
兵法

風雨去如絕弦以步追之執不相及所以雖
屯兵二十餘萬曠日而無功也為使君計莫
如罷諸郡兵各令出錢數千二十人共市一
馬以萬騎之眾逐數千之虜追尾掩截其道
自窮便民利事大功立矣尚即上言用
其計遣輕騎擊杜季貢于丁奚城破之
懷令懷縣之令也懷注見周威烈
王六年追尾章懷曰尾猶言尋
尾謂隨
其後也

以虞詡為武都太守擊羌破之

太后聞虞詡有將帥之略以為武都太守羌
眾數千遮詡于陳倉嶠谷詡即停軍不進而

宣言上書請兵須到當發羌聞之乃分鈔傍
縣詡因其兵散日夜進道兼行百餘里令吏
士各作兩竈日增倍之羌不敢逼或問曰孫
臆減竈而君增之兵法日行不過三十里而
今日且二百里何也詡曰虜眾多吾兵少徐
行則易為所及速進則彼所不測虜見吾竈
日增必謂郡兵來迎眾多行速必憚追我孫
臆見弱吾今示強執有不同故也既到郡兵
不滿三千而羌眾萬餘攻圍赤亭數日詡
乃令軍中強弩勿發而潛發小弩羌以為矢
力弱不能至并兵急攻詡於是使二十強弩
共射一人發無不中羌大震退詡因出城奮
擊多所傷殺明日悉陳其兵眾令從東郭門
出北郭門入貿易衣服回轉數周羌不知其

數更相恐動。詔計賊當退，乃潛遣五百餘人于淺水設伏。候其走路，虜果大奔，因掩擊大破之。斬獲甚衆。賊由是敗散，詔乃占相地，執築營壁百八十所，招還流亡，假賑貧民，開通水運。始到郡，穀石千，鹽石八千，見戶萬三千。視事三年，米石八十，鹽石四百，民增至四萬餘戶，人足家給。一郡遂安。

集覽

陳倉括地志云岐州陳倉縣後魏改曰苑川陳倉山

在縣南秦文公獲若石云于陳倉北阪城卽此正義曰三秦記云太白山西有陳倉山山有石雞與山雞不別趙高繞山山雞飛去而石雞不起峭谷今陝州陝縣東二峭是元和志云東峭至西峭三十五里在秦關之東漢關之西孫臏滅竈事在周顯王二十八年赤

亭在隴西漢屬南安州今渭州襄武縣是

質實

武都郡名注見武帝元鼎六年一統

志云陳倉秦之縣名漢屬右扶風三國魏爲重鎮晉末縣廢符秦時於縣界置苑川縣後魏移苑川治陳倉復爲陳倉縣後周於此置顯州未幾州縣皆廢隋復置陳倉縣屬岐州唐至德初因秦文公獲石雞之異改寶雞縣宋金元仍舊本朝因之屬鳳翔府峭谷在河南府永寧縣北六十里卽峭山也一名嶺峯山春秋時晉人及羗戎敗秦于峭卽此自東峭至西峭相去三十五里路極嶮絕

十一月地震○前虎賁中郎將鄧弘卒

漢安帝元初二年

三

正編

弘性儉素治歐陽尚書授帝禁中有司奏贈
弘驃騎將軍太后追弘雅意不許但賜錢布
薦辭不受將葬有司復奏發五營輕車
騎士太后不聽但白蓋雙騎門生輓送
歐陽尚書歐陽複姓名生字伯和千乘人事
伏生授兒寬寬授歐陽生子相傳至曾孫高
高孫地餘長賓爲博士論石
渠由是尚書世有歐陽氏學

集覽

書法

綱目在位書卒未有卒前官者卒弘
何錄賢也儉素通經后族如弘者鮮
矣終綱目以前官書卒者六人而已是年
鄧弘桓帝建和三年荀淑靈帝中平四年
陳寔晉懷帝永嘉六年衛玠成帝咸康
一年孔坦宋丁卯年杜弘文皆特書也

丙辰 三年春地震○三月日食○夏四月旱○度

遼將軍鄧遵率南單于擊零昌破之任尚又擊

破之**考異**南上漏匈奴○冬初聽大臣行三年

喪

漢興至今始復三年喪禮幸之亦惜之也

舊制公卿二千石刺史不得行三年喪司徒
劉愷以爲非所以師表百姓宣美風俗乃詔
聽大臣行三年喪

書法

書初何嘉復禮也自文帝遺詔短喪
而漢世公卿二千石刺史不得終制

至是改之故特書初終綱目書聽行三年

喪三是年桓帝永興二年齊丙子年魏

發明 三年之喪自天子達烏有名為大臣師表四海乃不得行終喪之禮者哉

書初聽大臣行三年喪聽者是則禁者非矣雖曰幸之蓋亦惜之也

地震○十二月任尚擊零昌殺其妻子

丁巳年

四年春二月朔日食○武庫災 **質實** 武庫注見景帝

書法 火災雖宮殿不悉書唯武庫悉書之重國備也書武庫災始此綱目書災

十五而書武庫災一書火十一而書武庫火三桓帝延熹四年晉惠帝元康五年唐

玄宗天寶十年

○任尚遣羌殺杜季貢○夏四月策免司空袁

敞敞自殺

敞廉勁不阿權貴失鄧氏旨尚書郎張俊有私書與敞子怨家封上之敞坐策免自殺

遼西鮮卑入寇郡兵擊破之 **質實** 遼西郡名注見獻帝建安

十年鮮卑東胡種名注見梁武帝大同十年突厥 ○六月雨雹○益州

刺史張喬討叛羌羌皆降散

質實

益州注見後
主建興三年

○秋七月雨水○任尚募羌殺零昌○越嶲夷

封離等反

質實

越嶲郡名注見
武帝元鼎六年

○任尚擊先零

羌狼莫大破走之西河處人種羌降隴右平

集

覽

隴右即隴西郡注
見秦王政三年

○地震

戊午五年春旱○永昌益州蜀郡夷叛

質實

永昌
郡名

注見章帝建初二年哀牢國益州郡名注見武
帝元狩元年滇國蜀郡注見晉武帝泰始五年

三郡夷叛應封離衆至十餘萬破壞二十餘
縣殺長吏焚掠百姓骸骨委積千里無人

秋八月朔日食○冬十月鮮卑寇上谷

質實

上
谷

郡名注見秦
王政三年

○鄧遵募羌殺狼莫封遵為武陽

侯徵任尚棄市

自羌叛十餘年間軍旅之費凡用二百四十
餘億死者不可勝數并涼二州遂至虛耗及
零昌狼莫死諸羌瓦解三輔益州無復寇警
詔封鄧遵為武陽侯遵以太后從弟故爵封
優大任尚與遵爭
功檻車徵棄市

質實

武陽縣名注見光
武建武十一年

書法 前書任尚募羌殺零昌此書鄧遵募

戮私之私也直書譏之是故馬防耿恭同

破羌者也防徵而恭下獄鄧遵任尚皆殺

羌者也遵封而尚棄市馬鄧皆賢后而后

族之權猶若此當時之公論安在哉凡書

棄市罪辭也任尚上書徵無罪

焉無罪而以罪辭書甚漢也

發明

任尚自永初元年與鄧騭俱受征討
之任次年書尚與羌戰大敗宜即償
軍之誅然迄無所行者騭使之戰故也至
三年書尚有破羌之功猶未足以補前失
未幾屯兵三輔復與鄧遵擊破零昌功頗
著矣前年書尚擊零昌殺其妻子去秋書

尚募羌殺零昌又書大破先零降種羌平
隴右其功始有可稱至是諸羌瓦解無復
寇警而尚乃召還棄市何耶鄧遵專有其
功尚不知權勢所在情與之爭宜其自取
顛覆也方是之時鄧后臨朝自以賢德過
人然刑賞國之大柄當刑不刑當賞不賞
謂之公道可乎與衆棄之不
書其罪權要亦可畏也哉

地震

己未六年春二月地震○夏四月大風雨雹

書法

永初元年書大風雨雹矣二年再書
於是三書終綱目書大風雨雹五帝

居其
三焉

○旱○秋七月鮮卑寇馬城塞鄧遵率南單于

擊破之

廣實

馬城塞注見順帝陽嘉二年

○冬十二月朔日

食既

書法

安帝自即位至是纔十三年書日食九天戒亦至矣帝曾弗悟外則太后專朝內則閹后妬忌諸羌歲叛天下多事於是日食既焉陰盛之證豈不明哉終綱目書日食既十有二無不有應者詳惠帝七年

○地震○豫章芝草生

日食水旱地震連書不絕芝草何足為祥

豫章有芝草生太守劉祗欲上之以問郡人唐檀檀曰方今外戚豪盛君道微弱斯豈嘉瑞乎祗乃止

書法

於是太守劉祗欲奏而止則其書之何予祗也帝自永初至今書日食十地震十四雨水旱蝗不絕書而遠有芝草生焉其不為瑞明矣是故綱目於武帝上書甘泉產芝而繼書旱於安帝下書豫章芝草生而上書日食既地震世主亦可以默悟矣終綱目書芝三武帝元封二年是年梁乙酉年

益州夷降

益州刺史張喬遣從事楊竦將兵擊封離等大破之斬首三萬餘級封離等乞降竦厚加慰納其餘三十六種皆來降附竦因奏長吏姦猾侵犯蠻夷者九十人皆滅死論

備邊

燉煌遣吏屯伊吾車師鄯善復降

初西域諸國既絕于漢北匈奴復以兵威役屬之與共為邊寇燉煌太守曹宗患之乃上遣行長史索班將千餘人屯伊吾以招撫之於是車師前王及鄯善王復來降

集覽

上遣行長史索班上遣行者上奏于天子而遣之行也百官表郡守之下有丞邊郡又有長史掌兵馬索班姓名也伊吾注見明帝永平十五年車師注見武帝元鼎二年鄯善注同上

正誤

乃上遣行長史今按行長史謂索班行長史事未為真也

書法

伊吾盧於是凡五書矣初書取伊吾盧地次書罷伊吾盧屯兵則繼書匈奴復守其地三書竇憲復取伊吾盧地則繼書車師遣子入侍四書罷伊吾盧屯田

則繼書西羌復叛此書遣吏屯伊吾則繼書車師鄯善復降合而觀之其為要地明矣

庚申

永寧

元年春三月北匈奴車師後王共殺漢

備邊

吏詔復置都護屯兵

北匈奴率車師後王軍就共殺索班擊走前王略。有北道曹宗請出兵擊匈奴以報之。因復取西域。公卿多以為宜閉玉門關。太后聞軍司馬班勇有父風。召問之。勇上議曰。昔孝武皇帝開通西域。論者以為奪匈奴府藏。斷其右臂。光武中興。未遑外事。故匈奴驅率諸國。河西城門晝閉。孝明皇帝深惟廟策。命將出征。然後匈奴遠遁。邊境得安。間者羌亂。西域復絕。北虜遂遣責諸國。逋租高其價直。嚴以期會。郵善車師。皆懷憤怨。思樂事漢。其路無從。然今曹宗徒欲報雪匈奴。而不尋出兵故事。要功荒外。萬無一成。兵連禍結。悔無所

絕匈奴之
生路以制
匈奴其策
最為詳悉

及况今府庫未充。師無後繼。臣愚以為不可許也。宜於燉煌復置營兵三百人。及護西域副校尉。遣長史將五百人屯樓蘭。西當焉耆。龜茲徑路。南疆鄯善于寘心膽。北扞匈奴。東近燉煌。既為胡虜節度。又禁漢人侵擾。如此誠便。公卿難曰。前所以棄西域者。以其無益而難供也。今欲通之。班將能保北虜不為邊害乎。勇對曰。今置州牧以禁盜賊。若州牧能保盜賊不起者。臣亦願以要斬保匈奴之不為邊害也。今通西域。則虜執必弱。為患微矣。孰與歸其府藏。續其斷臂哉。若棄而不立。則西域望絕。屈就北虜。恐河西城門。必須復有晝閉之警矣。今不廓朝廷之德威。而拘屯戍之費。豈安邊久長之策哉。難者又曰。西域遣

使求索無狀一旦為匈奴所迫當復求救則為役大矣勇對曰今設以西域歸匈奴而使其恩德大漢不為鈔盜則可矣如其不然則是富仇讎之財增暴夷之執且西域來者不過稟食今若拒絕執歸北屬夷虜并力以寇并涼則中國之費不止十億置之誠便於是從勇議復營兵置副較尉居燉煌雖以羈縻西域然亦未能出屯其後匈奴果數與車師入寇河西〔集覽〕軍就車師後王名〔北道〕即扶大被其害〔風〕郡梅邑也梅邑注見光武建武六年〔玉門關〕注見武帝元鼎二年〔廟策〕注見宣帝神爵元年廟勝之冊〔要功荒外〕要與徼通音邀求也荒外荒服之外也蔡氏曰以其荒野故曰荒服在要服外蕭望之曰荒

服者言其來服荒忽無常樓蘭注見武帝元封三年〔焉耆〕音煙支西域國名〔于寘〕注見武帝元狩元年〔并涼〕并州今太原是正義曰漢置太原府兼置并州也涼謂涼雍也漢改雍州曰涼州為〔質實〕并涼二州名并州注見晉刺史治隴西〔質實〕愍帝建興四年涼州注見唐中宗景龍二年

沈氏當前燒當羌入寇〔集覽〕沈氏東羌種號也續漢書曰羌在上郡西河者沈氏也〔當前〕東羌種名後或作煎當〔燒當〕注見光武建光中元二年

夏四月立子保為皇太子○校尉馬賢討羌破之○



遣

秋七月朔日食○大水○以楊震為司徒○遼

西鮮卑降○地震

發明

自鄧后臨朝地震之異史不絕筆夫以地道主靜宜靜而動亦由婦人治

事反地之道故數數震動以著其應爾當是之時大水兩雹旱蝗日食災異之衆間見層出然獨地震尤多天道豈不甚明雖曰恐懼修飭要之大本不正終亦無補於事綱目書之或一歲再見自永初初元至是十四年間凡十有五皆所以示證應之形著陰道之失為後世鑑也

賢戚

○免越騎校尉鄧康官遣就國

太后從弟康以太后久臨朝政宗門盛滿數上書諫言甚切至太后不從康謝病不朝太

后大怒免康官遣歸國絕屬籍

集覽

絕屬籍注見周顯王十年

發明

安帝繼統春秋十三鄧后臨朝至是歷十五載合而言之蓋亦年垂三十

矣謂之幼君不可也鄧氏久戀大權略無還政之意舉朝噤嘿莫敢出聲鄧康以后族之親慮貽顛覆數數進諫太后倘能翻然悔悟猶可收之桑榆而乃奮發威怒斥逐就國惜乎康不能高舉遠引奉還爵邑退歸田里政使觸忿而死所得多矣建光

之際鄧氏一門誅竄殆盡康之得脫僅若毫芒蓋亦幸爾書免官而不言其罪書就國而不言其絕亦予之而不盡予者也嗚呼微矣

辛酉

建光

元年春三月皇太后鄧氏崩封鄧騭為

上蔡侯

考異

封字下漏舅字

質實

上蔡縣名注見秦二世二年

太后自臨朝以來水旱十載四夷外侵盜賊內起每聞民飢或達旦不寐躬自減徹以救災厄故天下復平歲仍豐穰嘗徵濟北河間王子男女五歲以上四十餘人及鄧氏近親子孫三十餘人為開邸第教以經書躬自監試詔從兄豹康等曰末世貴戚食祿之家温

母后教經
監試奇事

鄧后亦賢矣祗因戀政不歸致損大節然當十年之災患而天下復平其才德有大過人者

衣美食乘堅驅良而面牆術學不識臧否斯故禍敗所從來也然帝已年長久不還政賴川杜根嘗上書言之太后大怒盛以縑囊撲殺之載出城外得蘇逃竄為宜城山中酒家保積十五年平原成翊世亦坐諫太后不歸政抵罪至是尚書陳忠薦之帝拜根侍御史翊世尚書郎或問根曰往者遇禍何至自苦如此根曰周旋民間非絕跡之處邂逅發露禍及親知

集覽

乘堅驅良堅謂好車良謂善馬也墨子曰聖王為衣服之法堅車良馬不知貴也面牆何晏曰如正面

向牆而立一無所見也撲殺撲弼角反謂投擲而擊殺之如格殺也宜城漢武封燕倉宜城侯即此索隱曰表屬濟陰括地志云襄州

率道縣南九里古郟城漢惠改宜城顏師古曰古郟子國也酒家保漢書音義曰酒家作保傭也可保信故謂之保正義曰保者為人傭力保可任使也傭癡容反受顧也韋昭曰方言保傭調之南方奴婢賤稱也

質實 一統志云宜城本楚郟縣地名秦為郟縣地屬南郡漢置宜城縣晉襄陽郡治此劉宋屬華山郡梁改為率道縣隋屬襄州唐屬郟州尋改屬襄州以漢南縣省入天寶中復改為宜城縣宋元仍舊

本朝因之屬襄陽府

陳忠沛郡相人寵之子

葬和熹皇后○追尊清河孝王曰孝德皇皇妣

曰孝德后

考異

妣上皇字羨

○夏高句驪鮮卑寇遼

東太守蔡諷戰歿

掾龍端公孫輔以身扞諷俱歿于陳

集覽

掾龍端掾俞絹反官屬也姓龍名端

尊嫡母耿姬為甘陵大貴人

考異

嫡字羨按順帝追尊母李

氏質帝尊母姬氏並不加嫡字

質實

一統志云甘陵本州之市名秦為厓縣屬鉅鹿郡漢

初為信成縣後為清河縣屬清河郡後漢改甘陵縣晉改清河縣後魏北齊皆為清河郡治後周於郡置貝州隋罷州為清河郡唐復為貝州或為清河郡五代時晉置永清軍節度宋改為

恩州金移治歷亭縣而清河縣仍屬恩州元屬大名路 本朝初屬大名府後改屬廣平府

書法

既曰嫡母矣而乃尊之為甘陵大貴人此何等稱謂也直書于冊其失自

見

主德

○詔舉有道之士

尚書陳忠以詔書既開諫爭慮言事者必多激切致不能容乃上疏豫廣帝意曰臣聞仁君廣山藪之度納切直之謀忠臣盡蹇諤之節不畏逆耳之害今明詔引咎克躬諮訪羣吏言者見杜根成翊世等新蒙表錄顯列二臺必承風響應爭為切直嘉謀異策宜輒納

用如其管穴妄有譏刺雖苦口逆耳不得事實且優游寬容以示聖朝無諱之美從之

集覽

蹇諤之節離騷經余固知蹇蹇之為患今文公集註蹇與蹇通直詞進諫已所

難言而君亦難聽故其言之出有不易者如蹇吃然也辯證曰蹇難于言也蹇難于行也又續離騷惜誓篇或直言之諤諤文公集註諤諤直言貌語曰千人之諾諾不如一士之諤諤周武諤諤以昌殷紂諾諾以亡諤與鄂通戰國周舍對趙簡子曰願為鄂鄂之臣管穴猶東方朔所謂以管窺天之意此云如其管穴謂言事者所見不遠大而所言或妄誕也

書法 詔舉有道終綱
目一書而已

以薛包為侍中不拜

初汝南薛包少有至行父娶後妻而憎包分出之包日夜號泣不忍去至被毆朴不得已廬于外旦入灑掃父怒又逐之乃廬于里門昏晨不廢積歲餘父母慙而還之及父母亡弟子求分財異居包不能止乃中分其財奴婢引其老者曰與我共事久若不能使也田廬取其荒頓者曰我少時所治意所戀也器物取朽敗者曰我素所服食身口所安也弟子數破其產輒復賑給帝聞其名令公車特徵至拜侍中包以死自乞有詔賜告歸加禮

如毛 **集覽** 昏晨不廢朝暮猶盡定省之禮定義 省之禮注見唐玄宗天寶十五載

荒頓荒蕪也謂無利之田頓如字讀謂頓壞之屋賜告歸注見武帝建元六年

書法 書予之也書不拜始此綱目書不拜 三是年薛包唐穆宗長慶四年劉栖

楚晉丙申年周環書不 受十有九詳永初元年

徙封鄧騭為羅侯遣就國騭自殺貶平原王翼

為都鄉侯

帝少號聰明故鄧太后立之及長多不德稍不可太后意太后徵濟北河間王子詣京師

鄧后不即 歸政之意 端在于此

以河間王子翼為平原懷王勝後留京師帝乳母王聖慮有廢置常與中黃門李閏江京候伺左右共毀短太后帝每忿懼及太后崩宮人有誣告太后兄弟悝弘閻謀立平原王帝怒令有司奏悝等大逆無道遂廢其子西平侯廣宗等為庶人隲以不與謀徙封羅侯遣就國宗族免官歸故郡沒入貲產廣宗等皆自殺隲不食而死徵鄧康為太僕貶平原王翼為都鄉侯遣歸河間翼謝絕賓客閉門自守由是得免

集覽

悝弘閻三人姓名

也悝音魁

質實

西平縣名注見獻帝建安十三年一統志云羅秦之縣名本春秋時

羅子國漢晉因之皆屬長沙郡隋屬王州後屬羅州唐省之故城在長沙府湘陰縣東六

十里都鄉縣名注見章帝章和二年

書法

於是隲徙封就國不食而死則曷為以自殺書據亞夫龔勝陳龜皆書不

食甚遣之者也隲為賢臣貶迫至此綱目之所深惜也故西平王廣宗等自殺不書詔許鄧隲還葬則書

發明

安帝少號聰明長多不德鄧后稍不可意亦為天下慮爾由今觀之帝自

親政之後治道施設大略亦可觀矣帝既不能自反乃追怒鄧氏譴責竄戮至于沒入貲產而怒猶未息必欲盡置死地而後已故隲之自殺書徙封書遣就國以見迫

逐之意帝亦可謂少恩者然自隲而下死者甚衆綱目皆削而不書何哉太后制朝衆情忿鬱鄧氏苟有人焉自當深明大義力陳歸政如其言不見聽則翩然遠引屏迹山林猶或可以自免既不能然乃貪于爵位遲回不去一旦太后棄朝復何恃耶不書于冊蓋略之也略之者賤之也其旨微矣

詔許鄧隲還葬

初鄧后之立也三公欲共奏追封后父訓司空陳寵以無故事不從故寵子忠不得志于鄧氏數上疏陷成其惡大司農朱寵痛隲無罪乃肉袒輿櫬上疏曰和熹皇后聖善之德

爲漢文母兄弟忠孝同心憂國功成身退讓國遜位歷世外戚無與爲比而利口傾險反亂國家遂令隲等罹此酷濫逆天惑人率土喪氣宜收還冢次寵樹遺孤奉承血祀以謝亡靈因自致廷尉忠劾寵免官衆庶多爲隲稱枉者帝意頗悟乃還葬隲等諸從昆弟皆得歸京師

書法

書許還葬何予存厚也終綱目書許還葬二鄧隲郭崇幹

以耿寶監羽林車騎封宋楊四子及宦者江京

李閏皆爲列侯

考異

按凡例外戚當書其屬據建寧二年書以董貴人兄

通鑑綱目 卷之十一
子重爲五官中郎將地節四年書賜外祖母號
爲博平君則此當書耿貴人兄寶孝德皇外祖

楊宋

帝以耿貴人兄寶監羽林車騎宋氏封侯爲
鄉較侍中者十餘人閭后兄弟顯景耀並典
禁兵江京李閏皆爲列侯與中常侍樊豐劉
安陳達及王聖聖女伯榮扇動內外競爲侈
虐出入宮掖傳通姦賂司徒楊震上疏曰臣
聞政以得賢爲本治以去穢爲務方今九德
未事嬖倖充庭王聖賤微得奉聖躬雖有推
燥居濕之勤前後賞惠過報勞苦而外交屬
託損辱清朝宜速出阿母令居外舍斷絕伯
榮莫使往來帝以疏示聖等皆忿恚而伯榮

外戚宦官
交橫漢事
去矣

通故朝陽侯劉護從兄瓌瓌遂爲侍中得襲
護爵震上疏曰經制父死子繼兄亡弟及以
防篡也故朝陽侯劉護同產弟威今猶見在
而以其再從兄瓌襲爵爲侯且天子專封封
有功諸侯專爵爵有德瓌無他功行但以配
阿母女旣位侍中又至封侯不稽舊制不合
經義陛下宜鑒旣往順帝之則尚書翟酺上
疏曰昔竇鄧之寵傾動四方兼官重紱盈金
積貨及其破壞頭顱墮地願爲孤豚豈可得
哉夫致貴無漸失必暴受爵非道殃必疾今
外戚寵幸未有等比祿去公室政移私門覆
車重尋寧無摧折昔文帝躬行節儉有譏之
者帝曰朕爲天下守財耳豈得妄用之哉今
斂天下之財積無功之家帑藏單盡民物彫

傷卒有不虞危亂可待願陛下勉求忠貞誅遠佞諂割情欲罷宴私心存亡國所以失之鑒觀興王所以得之庶災害可

集覽

九德未息豐年可招也書奏皆不省

德者未見其所行之事也書臯陶曰亦行有九德亦言其人有德乃言曰載采采蔡氏傳曰亦總也載行采事也總言其人有德必言其所行某事某事為可信驗於以擇人而官之阿母阿倚之母謂乳母王聖翟醜翟姓有兩音漢書翟方進注翟音狄唐書翟璋注翟音澤有此異耳醜名也音蒲竇鄧之寵竇憲鄧騭皆以外戚得寵幸願為孤豚豈可得哉史記莊子傳楚威王聞莊周賢使使厚幣迎之許以為相周笑謂使者曰千金重利卿相

尊位也子獨不見郊祭之犧牛乎養食之數歲衣以文繡以入太廟當是時雖欲為孤豚豈可得乎子亟去無汚我注謂犧牛臨宰時願為孤小之豚亦不可得也覆車重尋重平聲猶言再蹈覆轍

正誤

九德未事今按此言不任用九德之人行事也

質實

一統志云朝陽漢之縣名屬南陽郡三國魏廢之故城在南陽府南陽縣朝水之陽今為朝陽村俗呼刁城

書法

事必有待貶斥而惡始見者亦有不待貶斥而惡自見者自鄧后即世至

是僅四閱月而安帝初政所行乃爾觀綱目所書封宋楊四子及宦者之事則其不

德之實，曉然可見。此正所謂不待貶斥而惡自見者。帝之所為若此，而猶欲追怒鄧氏，不亦謬乎。

秋八月，燒當羌麻奴入寇，馬賢追擊破之。○以

劉愷為太尉。

居延都尉范邠犯賊罪，吏議欲增錮二世。劉愷以為春秋之義，善善及子孫，惡惡止其身。所以進人於善也。今以輕從重，懼及善人，非先王祥刑之意也。詔從之。
集覽 增錮二世，增加禁錮其子孫，不得敘用。善善及子孫，惡惡止其身。公羊傳：昭二十年，君子之善

善也。長惡惡也。短惡惡止其身。善善及子孫，注不遷怒也。上善去聲。惡惡並如字。一讀上惡作烏。居延縣名。注見武帝元狩二年。路反。
質實 劉愷居巢侯般之子。宣帝耳孫也。

鮮卑寇居庸關，殺雲中太守。

質實

居庸關注見唐武宗會昌

元年雲中郡名注見秦主政三年

○帝幸衛尉馮石府，留飲十

日。

石能取悅當世，故為帝所寵。

書法 特筆也直書其事而貶義自見矣故書留飲十日所以志安帝之褻書旬

日而還所以志後主之荒建興十四年終綱目書君幸諸臣之家五幸其府二是年

晉成帝咸康元年隋煬帝大業三年唐太宗貞觀十四年二十年辛未年梁主晃甲

申年唐主存勗其書飲宴者二是年隋煬帝大業三年未有留連如此者矣而微行

梁胤府舍不與焉桓帝永嘉元年

發明 諸侯非問疾弔喪而入諸臣之家是謂君臣為謔烏有身為萬乘之主而

乃臨幸佞臣之居留飲至于十日者哉大書于冊甚其惡也

雨水○冬十一月地震○復斷大臣行三年喪

尚書令殺諷等奏孝文定約禮之制光武絕告寧之典貽則當世誠不可改宜復斷大臣

行三年喪陳忠上疏曰高祖創制大臣有寧告之科建武之初政趣簡易禮義之方實為

彫損孟子有言老吾老以及人之老幼吾幼以及人之幼天下可運于掌臣願陛下登高

北望以甘陵之思揆度臣子之心則海內咸得其所時宦官不便之竟寢忠奏袁宏曰古

之帝王所以篤化美俗率民為善因其自然而不奪其情民猶有不及者而况毀禮止哀

滅其天性乎

集覽

殺諷姓名也殺丁外反史炤音丁活反約禮之制注見文帝後

七年遺詔短喪告寧之典李斐曰休謁之名
 吉日告凶曰寧孟康曰古者名吏休假曰告
 顏師古曰告者請謁之言謂請休耳漢諸書
 云謝病謝亦告也寧謂處家持喪服也甘陵
 之思謂嫡母耿**正誤**甘陵之思今按安帝追
 姬甘陵大貴人**尊**其父清河孝王曰孝
 德皇皇妣左氏曰孝德后乃所生母也又尊
 陵曰甘陵尋尊嫡母耿姬為甘陵大貴人集
 覽于甘陵之思不及其**質實**甘陵縣名注
 父母而獨舉耿姬何也見本年前
書法殺諷請也前書初聽行三年喪至是
 纔歷六年耳雖以陳忠之切諫不能
 奪宦官之所不欲人心之不肖甚哉書惜
 之也終綱目書復斷行喪二是年桓帝延

熹二年書聽終不書復斷者其惟魏孝文乎丙子年

發明

初元三年書初聽大臣行三年喪至是纔五載爾而又禁之何哉小人狃于弊俗禮典廢壞莫此為甚他時既復又斷紛紛不已迭書于冊皆譏之也

十二月高句驪王宮圍玄菟州郡討破之宮死

考異

此亦不當書討與討西羌同

高句驪王宮死玄菟太守姚光上言欲因其喪發兵擊之陳忠曰宮前桀黠光不能討死而擊之非義也宜遣使弔問因責讓前罪赦不加誅取其後善帝從之

質實

玄菟

郡名注見武帝元封二年

壬戌 延光元年夏四月雨雹

大者如斗

遼東都尉龐奮承偽詔斬玄菟太守姚光徵抵

罪

玄菟太守姚光、幽州刺史馮煥、數糾發姦惡、怨者詐作璽書、譴責煥、光賜以歐刀、又下龐奮使速行刑、奮即斬光、收煥、煥欲自殺、其子緄疑詔文有異、止之、煥乃上書自訟、徵奮抵

罪

集覽

歐刀、顏師古曰、刑人之刀也、或音一口反

發明

為偽詔者、姦惡盜賊也、然郡太守非有大故、烏可遽行殺戮、綱目詳而書之、所以見龐奮不審之罪、雖然、清明盛世、則無是事、此又綱目言外之意

秋七月地震○高句驪王遂成降

是後東垂少事

虔人羌與上郡胡反邊兵擊破之

質實

王郡注見秦王

政三年 ○九月地震○冬鮮卑寇邊

通鑑綱目

卷之十一

漢安帝延光元年

十一

正編

通鑑綱目 卷之十一
鮮卑既累殺郡守，膽意轉盛，控弦數萬騎，寇雁門，定襄、太原。

麻奴降。○雨水。○遣宦者及乳母王聖女伯榮

詣甘陵

尚書僕射陳忠上疏曰：竊聞使者所過，威動郡縣，王侯二千石，至爲伯榮獨拜車下，修道繕亭，徵役無度，賂遺僕從，人數百匹。伯榮之威，重于陛下，陛下之柄，在于臣妾。水災之發，必起于此。昔韓嫣託副車之乘，受馳視之使，江都誤爲一拜，而嫣受歐刀之誅。臣願明主嚴天之尊，正乾剛之位，不宜復令女使干錯萬幾。書奏，不省。時機事專，委尚書，而災變

輒免三公，忠上疏曰：漢典舊事，丞相所請，靡有不聽。今之三公，雖當其名，而無其實。選舉誅賞，一由尚書。近以災異切讓三公，臣忠常獨不安。尚書決事，多違故典，罪法無例，詆欺爲先，宜割而勿聽。上順國典，置方圓於規矩，審輕重于衡石，誠國家之典，萬世之法也。

集覽

韓嫣託副車之乘，受馳視之使。江都誤爲一拜。韓嫣，漢武帝幸臣也。高帝時，韓

王信入匈奴，至頽當城生子，因名頽當。韓嫣乃頽當之孽孫也。嫣常與上臥起。江都，易王名，非景帝之子。入朝，有詔得從獵上林。天子車駕未行，而先使嫣乘副車，從數十騎，驚馳視獸。江都王望見，以爲天子，乃辟從者伏謁道傍。嫣驅不見，既過，江都王怒，爲皇太后泣。

後以姦聞太后使使賜媽死漢書音義曰媽音偃索隱音於建壹言二反並通天元之尊易曰大哉乾元伊川傳曰乾天也以形體謂之天以主宰謂之帝以性情謂之乾乾剛之位易曰大哉乾乎剛健中正純粹精也時乘六龍以御天也

發明

按通鑑載帝數遣黃門常侍及中使乳母王聖女伯榮其詞旨稍異何哉蓋謂之黃門常侍及中使則其事隱而難明謂之宦者及乳母王聖女則其失曉然易見夫以安帝親政僅踰一載而所為舛謬往往若此綱目所以特筆書之詞繁而不殺者正以著其惡而甚之為後世戒爾噫東

漢之治自是日益亂矣於帝乎何譏

特書表賢

汝南黃憲卒

汝南太守王龔政崇溫和好才愛士以袁閔為功曹引進黃憲陳蕃等憲不屈蕃就吏閔不脩異操蕃性氣高明憲世貧賤父為牛醫憲年十四潁川荀淑遇於逆旅竦然異之揖與語移日不能去謂曰子吾之師表也前見袁閔未及勞問逆曰子國有顏子寧識之乎閔曰見吾叔度耶同郡戴良才高倨傲而見憲未嘗不正容及歸罔然若有失也其母問曰汝復從牛醫兒來邪對曰良不見叔度自以為無不及既覩其人則瞻之在前忽然在

巴關標致之風

後固難得而測矣。陳蕃周舉常相謂曰：時月之間不見黃生，則鄙吝之萌復存乎心矣。太原鄙泰少游汝南，過袁閔，不宿而退。從憲累日，乃還。或問之，泰曰：奉高之器，譬之沈濫，雖清而易挹，叔度汪汪，若千頃波，澄之不清，淆之不濁，不可量也。憲初舉孝廉，又辟公府，友人勸其仕，憲暫到京師，即還。年四十八終。范曄曰：黃憲言論風旨，無所傳聞，然士君子見之者靡不服深遠，去疵吝，故余曾祖穆侯以爲憲頽然，其處順淵乎其似道，若及門于孔氏，其殆

集覽

袁閔黃憲傳作袁閔劉貢父曰：庶乎。按閔字奉高，閔字夏甫，下文言

奉高則閔當作閔。逆曰：逆迎也。迎先便說鄙吝猶茅塞之義。沈濫：沈音軌，字從九，無點或出濫泉，正出鄙璞。注云：穴出，又出也。從旁出也。正出涌出也。詩大東篇有冽沈泉，采菽篇感沸濫泉。風旨：風謂標致旨，謂意趣也。疵吝瑕，疵羞吝也。章懷曰：疵音此，據說文當作疵。毗，古字也。故余曾祖穆侯，余我也。范曄南朝宋人，其曾祖名汪，晉簡文時爲安北將軍，謚曰穆侯。頽然：柔貌也。黃憲傳頽作墮。若及門於孔氏，孔氏謂宣聖也。若使得及爲孔子之門弟。

質實

汝南郡名，注見光武建武十九年。袁閔，汝南汝陽人。

人安之玄孫黃憲，汝南慎陽人。陳蕃，汝南平輿人。周舉，汝南汝陽人。防之子。

書法 布衣未有書卒者卒黃憲惜賢也布衣書卒終綱目二人而已矣黃憲管

寧

發明 憲一布衣也而得書于冊至今使人有歎仰之心者豈非潛德幽光不可

得而泯沒故耶雖然于時羣小在位而賢才沉于草萊聘召不及無所附見必至于

卒而書之又所以愧當時也

癸亥二年夏四月封王聖為野王君 **質實** 野王縣名注見

周赧王五十三年

書法 王聖何乳母也自宣帝始推恩阿保賜物而已未有封也至是而封君矣

桓帝之世復侯其子焉馬惠子初下及元魏乃尊為皇太后竇氏常氏甚哉終綱目

書封乳母二是年王聖順帝陽嘉二年宋娥封乳母子二桓帝永興二年書尊為皇

太后二宋壬申年魏癸巳年

發明 此乳母也何不揭而書之蓋已見之于前矣夫以乳媪而列爵受封大書

于冊漢治雖欲不衰其可得乎

○以班勇為西域長史將兵屯柳中 **質實** 班勇扶風

平陵人超之少子

北匈奴連與車師寇河西議者欲復閉玉門陽關以絕其患敦煌太守張璠上書曰臣在京師亦以為西域宜棄今親踐其地乃知棄西域則河西不能自存謹陳三策北虜呼衍王常展轉蒲類秦海之間專制西域共為寇鈔今以酒泉屬國吏士二千餘人集昆侖塞先擊呼衍絕其根本因發鄯善兵五千人脇車師後部此上計也置軍司馬將士五百人四郡供其犁牛穀食出據柳中此中計也棄交河城收鄯善等悉使入塞此下計也朝廷下其議陳忠請于敦煌復置較尉增四郡屯兵以撫諸國于是復以班勇為西域長史將

兵五百人出屯柳中

集覽

呼衍王注見明帝永平十五年蒲類秦海西域傳注大秦

國在西海西故曰秦海也蒲類亦國名也又蒲類海注見明帝永平十六年交河城車師前王庭在焉本高昌所都前書音義曰以河水分流繞城下故名交河括地志云交河城去長安八千一百五十里

質實

柳中縣名注見齊明帝建

武四年高昌交河城注同上年高昌

秋七月丹陽山崩

質實

丹陽郡名注見明

○雨

水○冬以楊震為太尉

賢

節概

忠直

耿寶薦李閏兄於震曰李常侍國家所重欲令公辟其兄寶唯傳上意耳震曰如此則宜有尚書敕寶大恨而去閻顯亦薦所親震又不從司空劉授聞而辟之震益見怨時詔遣使者大為王聖修第樊豐周廣謝暉等傾搖朝廷震上疏曰方今災患滋甚百姓空虛三邊震擾帑藏匱乏而為阿母起第為費巨億廣暉兄弟依倚近倖與之分威屬託州郡傾動大臣招徠海內貪汙之人受其貨賂復得顯用白黑溷淆天下謹譁臣聞師言上之所取財盡則怨力盡則叛怨叛之人不可復使惟陛下度之上不聽

集覽

暉與粉反

十二月地震○聘處士周燮馮良不至

高

陳忠薦汝南周燮南陽馮良學行深純隱居不仕帝以羔幣聘之燮宗族勸之曰夫脩德立行所以為國君獨何為守東岡之陂乎燮曰夫脩道者度時而動動而不時焉得亨乎與良皆自載至近縣稱病而還

質實

一統志云東岡在汝寧府城東南四十里即漢

末周燮所隱之處

三年春正月班勇擊走匈奴田車師者西域

復通

班勇至樓蘭以鄯善歸附特加三綬龜茲王白英乃率姑墨溫宿自縛詣勇因發其兵到

通鑑綱目

漢安帝延光三年

正編

正編

車師前王庭擊走匈奴於伊和谷

集覽

特加三綬

於是前部始復開通還屯田柳中綬佩印之組也謂兼三官累印綬而服之也

武帝時陽僕懷銀黃垂三組夸鄉里即此白英龜茲王之名姑墨西域胡種治南北城與烏孫接境

質實

龜茲國名注見光武

建武二十二年溫宿國名注見章帝章和元年

二月帝東巡三月還未入宮策收太尉震印綬

遣歸故郡震自殺

小人得志
賢人憤鬱
至此漢祚
安得不衰

樊豐等見楊震連諫不從無所顧忌遂詐作詔書調發司農錢穀大匠見徒材木各起冢

舍園池震復上疏曰臣備台輔不能調和陰陽去年十二月四日京師地動其日戊辰三者皆土位在中宮此中臣近官持權用事之象也陛下以邊境未寧躬自菲薄宮殿垣屋傾倚技柱而已而親近倖臣驕溢踰法唯陛下奮乾剛之德棄驕奢之臣以承皇天之戒震言轉切帝既不平而豐等憤怨會趙騰上書指陳得失帝發怒欲誅騰震救之曰殷周哲王小人怨詈則還自敬德乞全騰命以誘芻蕘輿人之言帝不聽竟殺之及帝東巡太尉部掾高舒得豐等所詐下詔書具奏須行還上之豐等惶怖會太史言星變逆行遂共譖震云自趙騰死後深懷怨懟且鄧氏故吏有恚恨心帝然之及還京師便臨太學即其

震時何以
不去位

震暱于鄧
氏是病根

此與史魚
以尸諫同
惜哉安帝
之不悟也

夜遣使者策收震太尉印綬震於是柴門絕
賓客豐等復惡之令耿寶奏震恚望有詔遣
歸故郡至城西夕陽亭乃慷慨謂其諸子門
人曰死者士之常分吾蒙恩居上司疾姦臣
狡猾而不能誅惡嬖女傾亂而不能禁何面
目復見日月身死之日以雜木為棺布單被
裁足蓋形勿歸冢次勿設祭祀因飲醜而卒
弘農太守移良留停震喪露棺道側譴震諸
子代郵行書道路皆為隕涕太僕來歷曰耿
寶傾側姦臣傷害忠良禍將至矣胡氏曰安
帝三公無出震之右者然人臣以道事君合
則留違則去震以三公之尊兩奏一乳媪而
不能動宜去久矣至是極言遂取殺身之禍
忠則忠矣然其燭理不明而處義不精亦不

足稱也已**集覽**見徒見形旬反徒供徭作者枝柱
柱與柱通音冢廋反掌也小柱為

枝邪柱為吾枝通作支按章帝本紀支柱橋
梁須行還上之須待也行下孟反待帝巡行
回還時上奏之柴門顏師古曰柴讀作寨字
本作砦釋文籬落也廣韻注山居以木柵恚
望恚於避反恨也望怨也乳媪安**正誤**須行
帝乳母王聖也媪烏浩反女老稱還今
按行如字柴門今按此謂
塞斷其門不通出入也

書法未入宮何急辭也帝之信讒果矣故
特筆書之是故書十二月晦殺魏其

侯竇嬰所以志武帝之忍書未入宮
策收太尉震印綬所以志安帝之急

發明 楊震事昏庸之主不能見幾而作其死宜矣雖然此為震言也若夫自漢

朝言之則當時清白忠正無出震右乃以諫諍忤嬖倖而死是時安帝保愛羣狙如

護心腹震雖欲納忠効節不可得已綱目書帝還未入宮策收印綬所以見帝急於

殺震如此臨亂之君知有小人而不知有君子惟恐嘉穀之害狼莠也哀哉

夏四月閭中山崩 **質實** 閭中縣名注見光武建武二年 ○秋八

月以耿寶為大將軍 ○九月廢太子保為濟陰

王

太子一歎
息而即見
廢小人護
問之酷可
不畏哉

王聖江京樊豐等譖太子乳母王男厨監邴吉等殺之太子歎息京豐懼乃與閭后讒太

子帝怒召公卿議廢太子耿寶等皆以為當廢太僕來歷與太常桓焉廷尉張皓議曰輕

說年未滿十五過惡不在其身且男吉之謀皇太子容有不知宜選忠良保傅輔以禮義

廢置事重此誠聖恩所宜宿留不從遂廢太子為濟陰王居德陽殿西鐘下來歷乃要結

光祿勳殺諷宗正劉偉將作大匠薛皓侍中閭丘弘陳光趙代施延太中大夫朱伉等十

餘人俱詣鴻都門證太子無過帝使中常侍詔曰父子一體天性自然以義割恩為天下

也歷諷等不識大典而共為謹譁外見忠直而內希後福朝廷廣開言路故且一切假貸

若懷迷不決當顯明刑書皓先頓首曰固宜如明詔歷怫然廷詰皓曰屬通諫何言而今復背之大臣乘朝車處國事固得輾轉若此乎乃各稍自引起歷獨守闕連日不肯去尚書令陳忠劾奏歷等乃免歷兄弟官削國租黜歷母武安公主不得會見歷歛之孫也

集覽

王男太子乳母之姓名邴吉姓名邴音丙西鐘下句絕張丑良反鴻都門三輔

黃圖云漢門名靈帝本紀置鴻都門學生注鴻都門名也於門內置學屬通諫何言屬近也通同也謂近日相要結而同入進諫者所言如何而今乃違背前約輾轉言其反復也詩關雎篇輾轉反側

正誤

西鐘下今按西廂下懸鐘之所也晉書項城府君謂賈充

曰當使係嗣死於鐘簾之間及趙王倫亂充子謐走入西鐘下就斬之

質實

來歷

南陽新野人張皓犍為武陽人留侯良六世孫施延沛國廝人武安縣名注見周赧王五十三年延尉官名注見武帝元狩二年

是月晦日食○地震大水雨雹

書法

帝即位至是十八年書地震二十有二書地陷者一書地坼者一綱目書

地震一百一而帝居四之一焉終綱目千三百六十二年地震之數無如安帝者矣

乙丑四年春二月帝南巡○三月朔日食

書法 安帝即位十九年，書日食者十有三者，一、東漢日食之數，無如安帝者矣。

○帝崩于葉，還宮發喪。

帝崩于乘輿，皇后與閻顯兄弟江京、樊豐等謀以濟陰王在內，恐公卿立之，乃偽云帝疾甚，徙御臥車馳歸。四日至洛陽。**集覽** 葉式涉反，縣名，注見周報王十七年。乘輿，梁琛曰：天子以四海為家，故行曰乘輿，止曰行在也。

書法 賀善贊曰：安帝即位至發喪所書一百七十七事耳，為羌夷盜賊書者五

十六，為災變書者七十，世道可知矣。徒聞狎佞臣，厚保母，疾忠賢，望其弭災靖亂，尚可得乎。

尊皇后曰皇太后，太后臨朝，以閻顯為車騎將

軍儀，同三司，迎北鄉侯懿入即位。**考異** 以下漏舅字與

竇憲 **考證** 當加兄於閻顯之上

太后欲久專國政，貪立幼年，與顯等定冊，迎章帝孫濟北惠王子北鄉侯懿為嗣。濟陰王以廢黜，不得上殿，親臨梓宮，悲號不食，內外羣僚莫不哀之。**集覽** 北鄉郡名在濟

北地親臨梓宮臨去聲弔臨也顏師古曰衆哭曰臨梓宮天子之喪以梓木為之親身之棺也應劭曰俗通曰哭而蒞喪曰臨宮者存日所居緣生事死因以為名

書法

綱目書尊皇后為皇太后多矣上必尊之自尊也名號正則可以臨朝矣終綱目不書即位書尊為皇太后者二而已是

年桓帝永康元年皆臨朝

樊豐等下獄死耿寶自殺王聖伯榮徙雁門

其罪皆當正法惜乎出於小人之猜忌退狼而進虎也

閹顯忌樊豐耿寶風有司奏貶寶為亭侯遣就國寶自殺豐及謝憚周廣下獄死聖母子

徙雁門而以弟景等為鄉校並處權要威福自由

書法

徒辭有四書徙某某廢某徙貶某徒無罪之辭也書某徙者有罪之辭也

葬恭陵

質實

一統志云恭陵在河南府城東南

○秋七月班勇

擊斬車師後王軍就及匈奴使者○冬十月越

嵩山崩

質實

越嵩郡名注見武帝元鼎六年

○北鄉侯薨

閹顯白太后秘不發喪而更徵諸王子閉宮門屯兵自守

書法

北鄉侯書即位無譏矣曷為止書北鄉侯薨不成乎君也其不成乎君何

太后私也。貧立幼君以久其權，而又不能以踰年，故不成之也。故皇子辯正也。未踰年而廢，則稱帝。靈帝中平六年，北鄉侯非正也。未踰年而薨，則稱疾。綱目王侯書卒，此其書薨何嘗即位也。綱目自分王外書薨之例七，非不成君。廢帝廢后，則謚為帝。為后者也。不然，則帝母也。公主有大功者，也。舍則無薨道矣。唐會昌以後，方鎮宰相有書薨者，誤也。

發明 北鄉既書即位而不書崩者，不成乎君也。不成乎君而書薨者，既臨大寶

異乎羣臣也。此輕重之權衡也。

正主卷后皆黃門專之以致再廢封侯之號皆和帝胎之禍也

十一月地震。○中黃門孫程等迎濟陰王保入

即位，誅閹顯等，遷太后于離宮，封程等十九人

為列侯。**考異** 當作封宦者孫程等十九人為列侯。

初，北鄉侯病篤，孫程等十九人謀立濟陰王。至是夜入省門，遇江京、劉安、陳達，斬之。以李閏積為省內所服，脇與俱迎濟陰王。即皇帝位。時年十一，召尚書令以下從。輦幸南宮，登雲臺，召公卿百僚，使虎賁羽林士屯南北宮。諸門閹顯時在禁中，憂迫不知所為。小黃門樊登勸顯以太后詔召越騎校尉馮詩，將兵屯平朔門，且授之印曰：「能得濟陰王者，封萬

通鑑綱目 漢安帝延光四年 正編

戶侯詩皆許諾辭以衆少顯使與登迎吏士于門外詩因格殺登歸營屯守顯弟景還外府收兵孫程傳召諸尚書使收送廷尉獄即夜死明日遣使者入省奪得璽綬乃收顯及其弟耀晏誅之家屬皆徙比景遷太后于離宮又明日開門罷屯兵封程等皆爲列侯是爲十九侯擢程爲騎都尉初閻顯辟崔瑗爲吏瑗以北鄉侯立不以正知顯將敗欲說令收江京廢少帝而立濟陰王而顯日沉醉不得見乃告長史陳禪欲與共求見言之禪猶豫未聽從會顯敗瑗坐斥門生蘇祇欲上書言狀瑗遽止之禪謂曰弟聽祇上書禪請爲證瑗曰此譬猶兒妾屏語耳願勿復出口遂辭歸不復應州郡命

集覽

積久積爲

也素也幸南宮登雲臺南宮注見高帝五年雲臺在南宮明帝永平三年圖畫中與功臣于雲臺即此虎賁羽林士虎賁注見新莽地皇二年羽林注見昭帝元鳳元年小黃門注見武帝征和二年格殺登句絕相抱而殺之曰格登謂樊登傳召傳音株戀反釋名傳傳也轉轉相傳而呼召之比景縣名屬日南郡在南越地後爲林邑所據音九真太守灌遂討林邑其王范佛降乃于其國五月五日立八尺之表日景在表南九寸一分故曰比景比當讀曰庇廕之庇景讀曰影如淳曰日中于頭上景在已下故以名縣瑗坐斥爲句崔瑗坐罪而被斥逐也弟聽祇上書弟與第通按酈食其傳第言之陳勝傳弟令母斬爰

益傳君弟去並訓

正誤

格殺登今按格本作珞擊也集覽第九卷

注云不用器械而白手殺之此說蓋是後倣此

質實

孫程豚郡新城人雲臺注見明

帝永平三年崔瑗安平人駟之子陳禪巴郡安漢人

書法

西漢之篇書諸大臣迎立代王恆于是而書中黃門蓬濟陰王保入即位

大臣之無謀可責矣漢氏之將衰可悲矣故不書司空劉授策免罪之也遷辭有二

太后遷者善辭也遷太后者逆辭也閻后譖廢太子其罪大矣其以逆辭書之何非

逆辭也罪辭也終綱目書遷太后于某宮六詳秦初癸亥年惟漢閻氏唐武氏為罪

辭

發明

濟陰正位儲貳乃以無罪廢黜人神共憤閻后貪立孩孺圖擅大權賴天

誘其衷北鄉尋殞大寶虛位故孫程等得以定謀迎立順帝由是大統始得其正可

謂幸矣然而漢治卒亦不振者大策不出於廟堂而扶立實由于閹宦故也歐陽修

贊唐史謂唐自穆宗以來八世而為宦官所立者七君其本始不正欲以正天下其

可得乎順帝之立不幸類是雖有聰明睿智之資猶將制于近習而不得有為况又

昏庸孱弱者乎書中黃門孫程等迎濟陰王入即位則漢氏之衰從可知矣有天下

國家者可
不監諸

葬北鄉侯

以諸
王禮

司空劉授策免

以阿附惡逆
舉非其人也

改葬故太尉楊震祠以中牢

詔以楊震二子為郎，贈錢百萬，以禮改葬。葬日，有大鳥高丈餘，集震喪前，郡以狀上。帝感

震忠直，詔復以中牢具祠之。

集覽

中牢注見昭帝元鳳元年

質實

一統志云

楊震墓在西安府華陰縣東二十五里。震卒時有大鳥集喪前，悲鳴，葬畢始飛去。

書法

葬臣不書此，何以書嘉禮賢也。綱目予存厚，故詔許鄧騭還葬書，改葬故

太尉楊震書，終綱目臣書改葬二，是年唐中宗神龍元年改葬上洛王韋玄貞宋路

太后唐息隱王不與焉。○祭臣不書此，何以書嘉禮賢也。故樊豐敗而後祠楊震，宦

官敗而後祭陳竇，靈帝中平六年遼水敗而後祀魏徵，唐太宗貞觀十九年祿山反

而後祭九齡，肅宗至德二年皆事後之思也。終綱目書祭臣六，詳明帝永平二年

